

崇陽縣志卷三目錄

建置志下 首列學宮圖


學校 書院 義學 考棚 興賢莊 字藏 附


義所 育嬰堂 養濟院 施茶所 分載

崇陽縣志

卷三 建置 目錄

一





崇陽縣志

卷三 建置 學宮圖

二

舊志學宮圖教諭訓導廡俱在廟左改副署於右不知何時大約在乾隆壬申續志以後惜無明文今左右廡俱燬圖以存之○學前四坊禮門義路外爲起鳳騰蛟不知所自始按舊圖於外洋池旁分載廢坊二右曰文崇爲胡定立左曰二賢爲陳曾王近訥立意起鳳騰蛟亦先朝文士之坊與鬻宮無涉但規制同禮門義路位置又近因附志學校并圖之與聚星亭附綴第二卷城垣圖志中事

正相類

崇陽縣志卷三

學校

書院義學考棚興賢莊附

崇陽縣學在北城內枕七星嶺東向中爲大成殿殿後崇聖祠殿前兩旁爲東西廡前爲大成門左右戟門外分列名宦鄉賢兩祠庭中爲內泮池前互橫牆闢門三中持敬左金聲右玉振門外橫出爲左右鬢門南北向又前爲櫺星門又前爲照牆左右紅牆二門南北向門額左德配天地右道冠古今照牆外豎下馬碑二又前爲外泮池大成殿左爲明倫堂堂後文昌閣堂前教諭廨署署前爲

崇陽縣志

卷三建置

學校

一

忠孝祠殿右訓導廨署旁爲節烈祠照牆前爲北街道跨街左右分豎禮門義路起鳳騰蛟四坊其基址東抵外泮池前田溝南抵縣署後巷道西北抵城內馬道

舊縣學在西城外元末兵廢今稱學坡明初知縣顧華訓導龔善徙今所古梵安寺故址也天順五年同知萬璋知縣焦玘重建明倫堂兩齋膳堂伍福記成化二年同知馮璋構折桂亭九年教諭俞繪修兩廡戟門十六年知縣劉信甃石月礪植松柏其上二十二年知縣趙弼新正殿嘉靖中知縣

黃直建啟聖祠及名宦鄉賢祠汪宗伊記四十四年訓導羅繼元甓中唐萬曆九年知縣王學曾建博文約禮二齋十三年知縣宋興祖建屏牆外泮池東題曰數仞宮牆十五年知縣陳洪烈修兩廡三十六年知縣李冲新殿堂徙啟聖祠張文光記崇禎中知縣徐應問重建明倫堂明末兵燬

國朝順治十二年知縣賈漢誼教諭馬世盛率弟子員捐優免銀規舊制從新鼎建王應斗記康熙二十二年知縣李特生建明倫堂三十二三年知縣張忬何嘉儒相繼新正殿擴外泮池先是明副使

崇陽縣志

卷三建置 學校

二

薛綱按邑購民地爲外泮池蓄水邑文風遂盛至是慮爲居民汙穢立圍牆限之四十二年知縣胡俊新大成門雍正五年知縣張慄新正殿及敬一亭卽折桂亭明嘉靖中改名乾隆三年知縣黃袞加修正殿及明倫堂改兩廡修泮池有記十六年知縣曹學詩改大成門嘉慶五年知縣曾翕受教諭石元吉改建廟貌仍舊址移向改明倫堂於殿左闢紅牆左右二門

紳士饒開基汪正珂沈士林汪克繩劉鎮奎董役

太

學生陳受福領建崇聖祠道光五年知縣趙秉淳加橫牆於櫺星門內闢門三加左右鬢門各一

紳士

汪正瓊沈用貞黃應運
陳臻起黃應位等董役八年太學生陳啓楨重新

崇聖祠太學生汪啟德移建內泮池二十二年知

縣金雲門重新時外泮池圍牆久圯邑州同汪本

皋領修外周甃石內豎石欄并廟門四坊悉整飭

之咸豐四年寇燬八年知縣王筠節重新貢生饒應暄董

役候補府經歷陳炳忠領建崇聖祠規制悉如舊

大成殿正位

至聖先師孔子木主高二尺三寸七分闊四寸厚七分

坐高四寸長七寸厚三寸四分朱地金書殿宇欽

奉康熙二十四年

崇陽縣志

卷三建置 學校

三

御書萬世師表題額雍正三年

御書生民未有題額乾隆三年

御書與天地參題額嘉慶五年

御書聖集大成題額道光元年

御書聖協時中題額咸豐元年

御書德齊疇載題額同治元年

御書聖神天縱題額

東配

復聖顏子

名回字子淵魯人

述聖子思子

名伋字子思鯉之子

西配

宗聖曾子名參字子輿魯人

亞聖孟子名軻字子輿鄒人

木主高一尺五寸闊三寸二分厚五分座高二寸八分長四寸厚三寸二分赤地墨書

東哲

閔子名損字子騫魯人

冉子名雍字仲弓魯人

端木子名賜字子貢衛人

仲子名由字子路魯人

卜子名商字子夏衛人

有子名若字子魯人

西哲

冉子名耕字子伯牛魯人

宰子名予字子我魯人

冉子名求字子有魯人

言子名偃字子游吳人

崇陽縣志

卷三建置

學校

四

顓孫子名師字子張陽城人

朱子名熹字元晦婺源人

東西哲牌位俱稱先賢木主高一尺四寸闊二寸六分座高二寸六分長四寸厚二寸赤地墨書○已上乾隆十八年改定位次已下俱同治二年改

定位次

東廡先賢

公孫僑字子產鄭人

林放魯人

原憲字子思檀弓仲憲宋人

南宮适字子容魯人

商瞿字子木魯人

漆雕開家語字子開魯人

司馬耕字伯牛宋黎人

梁鱣字叔鱣齊人

冉孺魯字人子魯

伯虔家語字析子魯楷人

冉季魯字人子產

漆雕徒父魯字人子文

漆雕哆魯字人子斂

公西赤魯字人子華

任不齊魯字人子選

公良孺陳字人子正

公肩定魯字人子仲

鄒單語字作子縣家

罕父黑作字宰子父索字魯子人一

榮旂子家語作人祈字

左人郢魯字人子行

鄭國一字作子薛徒魯人

原亢家語子作杭元魯亢人

廉潔衛字人子庸

叔仲會文字翁子圖期作魯噲人

公西輿如魯字人子上

邾異家語子作劍邦魯選人

陳亢陳字人子禽

崇陽縣志

卷三建置學校

五

琴牢家語子張子衛開人

步叔乘韻字注子車少齊人乘

秦非魯字人子之

顏噲魯字人子聲

顏何魯字人子冉

縣亶聊字城子人象

牧皮

樂正克

萬章

周啟頤營字道茂人叔

程顥洛字陽伯人淳

邵雍范字陽堯人夫

西廡先賢

蘧瑗衛字伯玉

澹臺滅明武字城子人羽

宓不齊魯字人子賤

公治長作字萇子史長魯人家語

公皙哀史字季沈季齊次人

高柴家語子齊羔人衛人

樊須魯字人子遲

商澤魯字人子秀

巫馬施史字子期子陳旗人

顏辛史字子作柳魯人

曹卣蔡字子循

公孫龍衛字子石一作趙隴

秦商史字丕茲子魯丕人

顏高家字子喬魯人

穰駟赤史字子從秦人

石作蜀家字子明子秦蜀人

公夏首魯字子乘

后處史字里後之齊人

奚容蒧子字哲子衛楷人

顏祖魯字子襄

勾成彊東字子野子衛孟山

秦祖或字曰齊魯人

縣成家字子期子魯祺人

公祖勾茲家字子公祖魯人

燕伋秦字子思

樂欬語字樂子欣秦魯人家

崇陽縣志

卷三建置學校七

狄黑人字一哲作之墨衛

孔忠子字兄子孟蔑皮史記子孔

公西蒧子字上子魯尚人

顏之僕魯字子叔

施之常史字子常恆魯人

申棖記字子申黨周史

左邱明魯人

秦冉蔡字子開

公明儀

公都子

公孫丑齊人

張載郟字子厚

程頤洛字正人叔

○已上牌位俱書先賢

東廡先儒

公羊高齊人

伏勝鄒字平子賤

毛亨趙人

孔安國十字子世國孫孔子

后蒼東字海近人君

鄭康成高密人

范甯子武

陸贄嘉字興敬人

范仲淹吳字希文

歐陽修廬字永叔

司馬光夏字君實

謝良佐上字顯道人

羅從彥劍字仲素

李綱邵字伯紀

張栻縣字敬夫

陸九淵金字子靜

陳淳龍字溪安人

眞德秀浦字景元

何基金字子恭

趙復安字仁甫

金履祥蘭字吉夫

陳澹都字可大

方孝孺天字希直

薛瑄河字德溫

崇陽縣志 卷三 建置 學校 七

胡居仁餘字叔心

羅欽順泰字整菴

呂枬高字神木

劉宗周山字念臺

孫奇逢容字鍾元

陸隴其平字稼書

西廡先儒

穀梁赤魯字元始

高堂生魯字伯

董仲舒廣人

毛萇之趙子亨

杜子春河人

諸葛亮南字孔明

王通龍字仲淹

韓愈修字退之

胡瑗海字翼之

韓琦相字稚圭

楊時將字中立

尹焞洛字彥明

胡安國

字康人侯

李侗

字愿中人

呂祖謙

字伯恭人

黃幹

字直卿人

蔡沈

字仲默人

魏了翁

字華甫人

王柏

字魯齋人

陸秀夫

字君實人

許衡

字平仲人

吳澄

字初清人

許謙

字白雲人

曹端

字正夫人

陳獻章

字公甫人

蔡清

字虛齋人

王守仁

字安伯人

呂坤

字新吾人

黃道周

字石齋人

湯斌

字孔伯人

已上牌位俱書先儒木主規制同十哲

崇陽縣志

卷三建置學校

八

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

木主高一尺五寸闊二寸二分赤地墨書

東配

孔氏孟皮

孔子兄

顏氏

名無繇父

孔氏

名鯉之父

西配

曾氏

名點字皙參之父

孟孫氏

名激父軻之公宜

已上牌位俱書先賢木主如十哲式

東廡先儒

周氏

名輔臣散頤之父

程氏

名珦字伯溫頤之父

蔡氏

名元定字季通沈之父

西廡先儒

張氏

名迪載之父

朱氏

名松字喬熹之父

已上牌位俱書先儒木主如兩廡式

至聖封諡漢平始元年追諡褒城宣尼公南陳光

崇陽縣志

卷三建置 學校

九

大二年封孔英哲奉聖侯奉孔子祀北魏延興元

年諡文聖宣父北周封鄒國公隋諡聖尼父唐貞

觀三年尊為先聖顏子為先師乾封元年尊孔子

為太師總章元年贈顏子少師曾子少保開元二

十七年追封文宣王服王者袞冕顏子兗國公閔

損等九人爵皆侯曾參伯宋建隆三年上親撰文

宣王兗公二贊詔立十六戟於廟門太平興國中

詔孔宣襲封文宣公咸平元年加諡元聖文宣王

費侯閔損以下皆公邴伯曾參以下皆侯左邱明

以下皆伯尋避諱改稱至聖追封叔梁紇齊國公

顏氏魯國太夫人開官氏鄆國夫人大中祥符二年加宣聖冕服九旒九章桓圭用玉封七十三賢俱列侯命中書門下撰諸賢贊王旦撰顏子贊左邱明以下至范甯二十一人皆爲伯王肅司空杜預司徒命羣臣贊之景祐元年封孔宗愿衍聖公元豐七年封孟軻鄒國公崇甯四年加冕十二旒服九章封孔鯉泗水侯伋沂水侯大觀四年執鎮圭用王者之制增廟戟二十四紹興元年御製文宣王贊及七十二子贊因孔氏族於衢以孔玠襲封金天眷三年詔求孔子後於山東以四十九代

孫璠襲封衍聖公大定四年加服十二章纁旒九就顏孟章服皆用九元大德十一年加號曰大成至順元年加聖父爲啟聖王母爲啟聖王夫人顏子究國復聖公曾子邾國宗聖公子思子沂國述聖公孟子鄒國亞聖公明宣德八年正文廟繪像衣冠成化十二年朝臣楊守陳請追崇帝號周洪謨請改神聖廣運帝鄒幹駁之宏治中命孔氏世舉一人爲曲阜令公親承子弟爲翰林五經博士居衢州者亦爲博士嘉靖九年改稱至聖先師孔子大成殿爲先師廟門曰廟門四配爲復聖顏子

宗聖曾子述聖子思子亞聖孟子從祀弟子爲先賢左邱明以下稱先儒去肖像易木主罷封爵

國朝順治九年

詔四配十哲及東野周張程朱各世襲博士康熙三十年

御製至聖先師孔子贊顏子曾子子思子孟子俱有贊

五十一年改啟聖祠爲崇聖雍正元年追王五代四年

詔避聖諱除

園丘外餘俱加邑

崇陽縣志

卷三建置 學校

十一

康熙三十三年

御製至聖先師孔子贊并序蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜禹湯文武之後不有孔子則學術紛淆仁義湮塞斯道之失傳也久矣後之人而欲探二帝三王之心法以爲治國平天下之準其奚所取

衷焉然則孔子之爲萬古一人也審矣朕巡省東國謁
祀闕里景企滋深敬摛筆而爲之贊曰清濁有氣剛柔
有質聖人參之人極以立行著習察舍道莫由惟皇建
極惟后綏猷作君作師垂統萬古曰惟堯舜禹湯文武
五百餘歲至聖挺生聲金振玉集厥大成序書刪詩定
禮正樂旣窮象繫亦嚴筆削上紹往緒下示來型道不
終晦秩然大經百家紛紜殊途異趣日月無踰羹牆可
晤孔子之道惟中與庸此心此理千聖所同孔子之德
仁義中正秉彝之好根本天性庶幾夙夜勸哉令圖遡
源洙泗景躅唐虞載歷廷除式觀禮器摛毫仰贊心焉

崇陽縣志

卷三建置 學校

十二

遐企百世而上以聖爲歸百世而下以聖爲師非師夫
子惟師於道統天御世惟道爲寶泰山巖巖東海泱泱
牆高萬仞夫子之堂孰窺其藩孰窺其徑道不遠人克
念作聖

御製顏子贊聖道早聞天姿獨粹約禮博文不遷不貳
一善服膺萬德來萃能化而齊其樂一致禮樂四代治
法兼備用行舍藏王佐之器

御製曾子贊洙泗之傳魯以得之一貫曰唯聖學在茲
明德新民止善爲期格致誠正均平以推至德要道百
行所基纂承統緒修明訓辭

御製子思子贊於穆天命道之大原靜養動察庸德庸言以育萬物以贊乾坤九經三重大法是存篤恭慎獨成德之門卷之藏密擴之無垠

御製孟子贊哲人既萎楊墨昌熾子輿闢之曰仁曰義性善獨闡知言養氣道稱堯舜學屏功利煌煌七篇並垂六藝孔學攸傳禹功作配

春秋魯哀公十七年立廟孔子舊宅東漢永平二
年祀周公孔子於郡縣學晉光和元年置黌門學
畫先聖及七十二弟子像梁天監四年立孔子廟
北魏延興元年以顏子從祀唐貞觀二年罷周公

崇陽縣志

卷三建置 學校

十三

祀令四時專祭孔子二十一年詔以左邱明卜子
夏公羊高穀梁赤伏勝高堂生戴聖毛萇孔安國
劉向鄭衆杜子春馬融盧植鄭康成服子慎何休
王肅王輔嗣杜元凱范甯賈逵並從祀總章元年
以曾子配饗開元八年圖七十弟子及二十四賢
於壁立十哲坐像曾子特坐從祀宋元豐七年以
孟軻配饗荀況揚雄韓愈從祀大觀二年以子思
配饗政和三年以王安石配饗子雱從祀淳祐元
年黜安石父子列周張二程朱於兩廡景定二年
加張栻呂祖謙伯爵從祀咸淳三年以顏回曾參

孔伋孟軻配饗升顓孫於十哲以邵雍司馬光從祀元皇慶二年以許衡從祀明洪武元年詔天下儒學各建先賢祠春秋祔祭五年停孟子祀尋復二十九年黜揚雄祀進董仲舒宣德十年以吳澄從祀正統元年定從祀名爵位次三年禁祀孔子於釋老宮以胡安國蔡沈真德秀從祀八年以楊時從祀成化十二年分先賢祠爲名宦鄉賢二祠嘉靖九年罷申黨公伯寮秦冉顏何荀況戴聖劉向賈逵馬融何休王肅王弼杜預吳澄從祀林放蘧瑗鄭康成鄭衆盧植服虔范甯各祀於其鄉進公以顏無繇曾點孔鯉孟孫氏配饗以周輔臣程珦蔡元定朱松從祀隆慶六年進薛瑄從祀萬曆十四年進胡居仁陳獻章王守仁從祀四十一年進羅從彥李侗從祀

國朝康熙四十一年升祔朱子於十哲之次雍正元年以張迪從祀崇聖祠二年復以蘧瑗林放秦冉顏何鄭康成范甯從祀進牧皮公孫丑公都子樂正克縣亶萬章諸葛亮尹焞魏了翁許謙羅欽順黃幹何基趙復金履祥陳澹蔡清陸隴其從祀乾

隆三年升有子於十哲中復以吳澄從祀道光二年進劉宗周從祀三年進湯斌從祀五年進黃道周從祀六年進陸贄呂坤從祀八年進孫奇逢從祀二十二年進文天祥從祀咸豐元年進李綱從祀二年進韓琦從祀三年進公明儀從祀七年進公孫僑從祀進孔氏孟皮配饗崇聖祠九年進陸秀夫從祀十年進曹端從祀同治二年進毛亨方孝孺呂枏從祀

漢高帝十二年以太牢祀孔子明帝永平二年命郡縣行鄉飲禮於學校南宋文帝朝太子釋奠北

魏文武帝朝勅有司行薦饗之禮隋文帝朝詔州縣學以春秋二仲月上丁釋奠唐貞觀二十年詔諸州刺史爲初獻上佐亞獻博士終獻縣學令初獻丞亞獻簿終獻開元十三年上幸孔子宅親奠遣使以太牢祠墓二十七年令貢士釋褐謁廟後周廣順元年上幸闕里廟奠祭皆再拜或曰天子不當拜曰夫子聖人也百王取則安得不拜宋端拱中上幸太學哲宗時幸太學一獻再拜紹興元年上幸太學步趨大成門外執爵灌獻元成宗朝勅到任官先詣聖殿著爲令明洪武元年定制春

秋二丁釋奠丞相初獻翰林學士亞獻國子祭酒
終獻四年定釋奠祭器各爲高臺無籩豆簠簋以
瓷代牲用熟十四年文廟成遣官以太牢祀詔像
無用土繪十七年勅每月朔望府縣官以下詣學
行香永樂四年行一奠四拜禮宣德八年正文廟
繪像衣冠宏治中上親釋奠太學詔衍聖公及三
代子孫聽講賜冠帶有差

國朝康熙二十三年上幸闕里

御製詩勒石孔林雍正元年特頒執事官三品二人四
品四人五品六人七品八人八品十人九品十二
人悉以孔氏子孫爲之○按崇邑正獻分獻官及
禮生數俱詳後禮樂志

崇陽縣志

卷三建置

學校

十六

晉光和元年詔孔廟舞六佾設軒縣之學南宋文
帝朝亦如之唐開元二十七年樂用宮縣舞用八
佾宋景祐元年詔用登歌洪武六年學士詹同樂
韶鳳上釋奠樂章定舞六佾十七年議大成樂二
十六年頒樂器於天下成化元年加牲用樂十二
年樂用八佾十二籩豆嘉靖九年祭用籩豆十州
縣籩豆八佾舞六六四配籩豆六十哲籩豆四兩
庶如之佾舞六萬曆十四年樂用六佾

國朝頒定禮器祭品樂器舞譜新舊樂章俱詳後禮樂志○已上二則漢晉以來歷朝奉祀禮樂節目依道光壬寅志稿登入參之他書此外挂漏尚多姑存以備考

崇聖祠舊名啟聖在明倫堂後自明嘉靖建立以來屢經成毀雍正九年林日燭復建奉

旨增祀先聖祖父乾隆四年黃袞建臺龕嘉慶五年改明倫堂於大成殿左祠當殿後

陳受福子孫三次建修前已分見

祭典詳後禮樂志

名宦祠舊在戟門左嘉靖中始建屢經改修今在

崇陽縣志

卷三建置 學校

十七

大成門左祀名宦一十五位

張詠 歐陽曄 段少連 李涓

錢師仁 王漑 陳仲微 尹穀

楊伯成 元俊 楊泰 焦玘

龔善 劉信 李銳

鄉賢祠舊在戟門右與名宦祠同建修今在大成門右祀鄉賢一十八位

胡興福 龔善 周琮 宋忠

楊昺 王守貞 龔伯甯 王甸

戴書 饒天爵 汪文明 汪文盛

胡濂

汪宗元

陳曾

汪宗伊

劉景韶

譚琳

忠孝節烈二祠雍正二年知縣侯爵奉文建供合
邑忠臣孝子節婦牌位每歲春秋致祭儀與鄉賢
同

文昌祠一云文昌閣在明倫堂後道光二十三年
邑紳殷植澧重修今廢土地祠在明倫堂右○已
上廟典已下學典

自周衰學廢漢武帝始命天下郡縣皆立學校官
置弟子員嗣後如平帝元始三年詔郡國曰學侯

崇陽縣志

卷三

建置

學校

十八

國曰校晉光和元年置黌門學太和九年命天下
普修學校南宋高祖元年詔有司立學梁天監四
年詔立州郡學北魏天安初立郡縣學唐武德七
年詔諸州縣並置學唐開元十三年令天下州縣
立學宋大中祥符二年詔天下郡縣於文宣廟立
學景祐元年命藩府皆立學慶厯四年以范仲淹
請詔州縣興學校紹興四年命府州縣皆置學元
中統初命置諸路學校官明洪武中詔天下府縣
立學凡載在史冊大書特書不一而足自是敬一
亭明倫堂崇經閣因之作焉學官弟子員因之加

詳焉

國朝作育士人尤超越往古謹將學宮規條載籍及
邑學額學署學田學山編次於後

敬一亭在崇聖祠前張慄重修明嘉靖五年世宗
親撰敬一箴並書宋儒程氏視聽言動四箴范浚
心箴於天下學校立碑以肅生徒十年易亭名敬
一今缺

明倫堂舊在大成殿後今在大成殿左左右舊有
博文約禮二齋楹曰興賢曰育才今缺明洪武二
年令禮部傳諭立石於學謂之臥碑十五年頒禁

崇陽縣志

卷三建置 學校

十九

約於天下學校勒石明倫堂

國朝順治九年

頒勒學校臥碑

朝廷建立學校選取生員免其丁糧厚以廩膳設學院
學道學官以教之各衙門以禮相待全要養成賢才以
供朝廷之用諸生皆當上報國恩下立人品所有教條
開列於後

一生員之家父母賢智者子當受教父母愚魯或有
非爲者子既讀書明理當再三懇告使父母不陷於
危亡

一生員立志當學爲忠臣清官書史所載忠清事跡
務須互相講究凡利國愛民之事更宜畱心

一生員居心忠厚正直讀書方有實用出仕必作良
吏若心術邪刻讀書必無成就爲官必取禍患行害
人之事者往往自殺其身常宜思省

一生員不可干求官長交結勢要希圖進身若果心
善德全上天知之必加以福

一生員當愛身忍性凡有司官衙門不可輕入卽有
切己之事止許家人代告不許干與他人詞訟他人
亦不許牽連生員作證

崇陽縣志

卷三建置 學校

二十八

一爲學當尊敬先生若講說皆須誠心聽受如有未
明從容再問毋妄行辯難爲師者亦當盡心教訓勿
致怠惰

一軍民一切利病不許生員上書陳言如有一言建
白以違制論黜革治罪

一生員不許糾黨多人立盟結社把持官府武斷鄉
曲所作文字不許妄行刊刻違者聽提調官治罪

御製訓飭士子文頒行直省各學勒石明倫堂

康熙四十一年

國家建立學校原以興行教化作育人材典至渥也朕
臨御以來隆重師儒加意庠序近復慎簡學使釐剔弊

端務期風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長立宮牆朝夕誦讀甯無究心必也躬行實踐砥礪廉隅啟孝順以事親秉忠貞以立志窮經考業勿雜荒誕之談取友親師悉化僑盈之習文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言挾

制官長或隱糧包訟出入公門或唆撥姦猾欺孤凌弱或招呼朋類結社要盟乃如之人名教不容鄉黨弗齒縱幸脫褫扑濫竊章縫返之於衷甯無愧乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂陵騰沸網利營私種種弊情深可痛恨且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反覆惓惓茲訓言頒到爾等務共

體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若仍視爲具文玩愒不警毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭弗謂朕言之不預也爾多士尙敬聽之哉

崇陽縣志

卷三建置

學校

二十二

按舊志宋大觀元年詔布周官八行八刑之法於學宮令所在鐫刻淳祐六年御書白鹿教條頒行各學及書院立石是爲明倫堂勒石之始

崇經閣舊在教諭廨左饒天民記考宋至道三年賜太學御書六經大中祥符二年賜九經三史疏釋文爲學校藏書之始明嘉靖間建閣藏書今閣廢書目不存

國朝頒藏載籍舊貯尊經閣屢經兵燹無一存者敬錄書目如左

聖諭廣訓

十三經註疏

御纂周易折中

春秋傳說彙纂

書經傳說彙纂

日講四書

御批淵鑑古文

詩經傳說彙纂

欽定三禮義疏

廿一史

四書文

周易述義

詩義折衷

春秋直解

御批通鑑綱目

擬白居易新樂府

上諭三部

雍正
年頒

科場條例

御纂唐宋文醕

唐宋詩醕

御製詩初集二集

文初集

樂善堂全集

全韻詩

崇陽縣志



卷三建置

學校

二三

上諭三部

乾隆
年頒

明史

性理精義

大學衍義

朱子全書

大清會典

名教罪人詩

學政全書

湖北通志

孝經近思錄

二部
四本

磨勘簡明條例

朋黨論

學官自漢始學校置經師庠序置孝經師元始時

制也五經博士光武始置後魏大郡博士二人助

教四人中郡博士一人助教二人下郡博士一人

助教一人唐開元中令天下州縣皆置博士助教

各一人宋熙甯六年詔諸路學官兼委中書門下
選差縣置博士助教各一人謂之主學官由漕司
聘署元中統初詔師儒命於朝廷者曰教授路府
大中州置之命於禮部及行省宣慰司者曰學正
曰教諭州縣置之明制府設教授一員訓導四員
州學正一員訓導三員縣教諭一員訓導二員歷
朝學官之制相沿如此崇邑元以前學官不可考
明初設官三員如制伍福張文光
二記可證萬曆末年裁訓
導二員

國朝因之康熙三年裁教諭復訓導一員四十三年

崇陽縣志

卷三建置 學校

二四

復設教諭歷任姓名載後職官志

漢時郡縣弟子員額數未詳後魏郡置學生六十
人後又令大郡學生八十人中郡六十人下郡四
十人唐制上縣四十人中縣三十人下縣二十人
宋無定員崇甯間照見籍三分汰一元州縣學額
十五人其盛至五十人受餼於學明洪武著令在
京府縣生員六十人府學四十人州學三十人縣
學二十人日給廩膳免差徭二丁宣德三年增廣
生員如額數無廩膳正統十二年於常額外復增
附學生無定員

國朝初仍舊康熙十三年甲寅分科歲兩試各取進
附學生員崇陽中縣定十二名外取進一名撥府
學歲考取進武生十二名康熙六十一年奉

恩詔加額五名雍正十三年奉

恩詔加額五名乾隆元年奉

恩詔加額五名十六年二十二年二十七年三十年四
十五年四十九年五十五年六十年俱奉

恩詔加額四名嘉慶三年六年俱奉

恩詔加額五名道光二年三年俱奉

恩詔加額五名道光三十年

崇陽縣志

卷三建置

學校

二五

顯宗文皇帝登極奉

恩詔加額五名咸豐八年補行三年歲試奉

恩詔加額五名同治元年補行咸豐十年科試奉

詔廣額一名永遠爲例文武同本年歲試奉

恩詔加額五名四年奉

詔廣額五名三名永遠爲例二名不爲例同治六年奉

詔廣額六名永遠爲例文武同自同治七年歲試始文武各二

十二名府
學在外

外加額四名不爲例

教諭廨署在泮池左明教諭徐濬改立張敷潛重
修順治間知縣賈漢誼改建嘉慶間仍舊重修咸

豐四年寇燬

訓導廨署舊有二在明倫堂左右久廢歷任俱借民居康熙五十九年教諭蕭璟捐俸創屋四間於本廨之左分其右二重作副署後以偪狹改建文廟右立儒學門與正署前門左右並列咸豐四年寇燬

號房在兩廡後明成化十年知府秦夔通判王蔓建分南北各十間久廢

射圃明成化十年督學嚴淦命通判王蔓立於學前左十六年知縣劉信改立敬一亭右創觀德亭

崇陽縣志

卷三建置 學校

二六

三間朔望師生演習射儀久廢

禮門坊在學前右義路坊在學前左起鳳坊在禮門右騰蛟坊在義路左四坊俱道光二十四年重新○舊志云學宮之建前人家視之長子孫計久遠作者迭興補罅塞漏廣廈庇寒斯畱芟百世矣豈其視爲蘧廬而秦越我徒勤我飲食棟宇已乎君子是以重有思於桐鄉也

伍福重修儒學記聖朝以文治天下垂百年於茲詩書禮樂之化日新月盛煥然休明雖僻壤遐陬莫不蹈咏至仁所以臻此者孰非興崇學校基其

本歟崇陽舊有學在縣西數百武創自有宋毀於元末兵燹洪武初知縣顧華始卽梵安寺故址構禮殿嚴祀事而倫堂齋舍漸次以備諸生來游來歌涵濡文化激昂青雲於斯久矣歲遠風雨震零堂宇摧撓去年冬適太府二守萬侯德純公務行縣顧謂學校爲政所先弗修吾責也雖切而不緩然揆其費匪一二計明日視政集吏民督其怠事輕其罰得碩材百餘乃召邑宰焦君玘邑博余君瑄司訓吳君讓魏君敬謂曰學之修吾有處矣而工用之需飲食之具嚴督之方邑宰主之朝夕相

成規畫則邑博諸君事也由是二三君子競勸樂爲士民耆老翕然佐之勗明倫堂三間高二丈有奇深三丈廣倍之東西齋六間諸生文房饌堂如干楹皆高明堅縝經始於庚辰冬十二月落成於今年辛巳二月弦望兩易輪奐之速規模宏遠視昔有加旣而邑博暨諸生咸曰學修矣邑宰任其勞肇始實萬侯功也勿書不可乃不遠百里遣造士楊孟凱徵予記於戲學校國家元氣推明至理敢叙彝倫裁成輔相之道修齊治平之方本末備具細大不捐垂憲立極萬古不易矧今文運重熙

茲典誠切而不緩萬侯拳拳置心眞知所本者哉
侯世家海南發軔巍科有守有爲且得邑宰焦君
之賢才能兩全克繼其志故事集而民不擾皆可
書也殆見崇陽繇茲山川改色英淑之氣氤氳開
闔鍾靈毓秀才輩出又將邁迹前修詩書禮樂
日新而又新矣昔張忠定公以農桑治茲邑而享
盛名詎知二守諸公異時不以興學之政馳妙譽
膺大任哉農桑學校皆王政之本而學校尤風化
所關不可以不書用是以復諸君刻諸麗石俾觀
者有徵云天順五年夏咸甯教諭臨川伍福記

汪宗伊重修儒學記聖祖開天首意育材崇陽縣
學創自國初當時考選升絀皆屬之郡守令以教
養爲己任率諸弟子員飭行修文學成而効於用
有鄉舉里選之遺焉正統設憲職以申飭學政也
乃郡縣分教養爲兩事然督學巡歷僻邑必至稽
行較藝並舉不廢絃誦之宮一有損壞有司修理
令甲昭如也自後以楚地遼闊羣聚師生而試之
掄文之外他不遑及學之不修五十餘年其勢將
圯凡有司簿書之所不責者以爲不急然也今歲
仲秋予謁先師見宮牆崔巍門內泮池石重甃之

道經其上其平如砥趨拜階下廟廡翼翼肅然聳
觀升其堂揖讓之所綽有餘裕啟聖祠移置廟東
上方名宦鄉賢二祠從祀宮牆左右皆遵制典而
前所未備何完美若是也師生曰邑侯黃君所作
也侯課士經術約以準繩興學肄習撤故更新財
用取之學租工匠取之募役公不知費私靡告勸
乃侯之言曰吾之責也侯急其所不責者不亦知
先務哉而財力之用皆適於宜卽義利之訓也匪
直作泮且示士子以嚮往夫士將有當世之責必
修身以爲之本修身以道修道以仁而所以存其

心之仁者莫先於義利之辨也無所爲而爲調之
義有所爲而爲謂之利毫釐之分千里之判必有
貧賤無故不去之志然後有富貴非道不處之操
必有一介不取一介不與之節然後有萬鍾弗顧
千駟弗視之守故自語默食息之微以至去就行
藏之著必合乎義雖造次顛沛不違吾仁入則懷
之以事親出則懷之以事君行義達道彌綸匡濟
彬彬然聲施於天下後世卽虞庠夏序之所陶成
咨岳闢門之所明揚何以加焉其有以成侯作泮
之美矣乎諸士旣德侯不已予從父師更老之後

又獲進鄉之子弟而詔之乃勒記於石以助髦士
俾後之來者周覽鬻宇思樂侯之教思云

張文光重修儒學記今天下似須而實急似見功
晚而取化捷疇有若教典者乎膠序收之矣顧其
衡提於守令長守令六事教實居先其重可知漢
史傳循吏如龔少卿黃次公召翁卿數君子鴻業
輝映史冊而班史獨稱首文翁夫文翁治蜀無他
瑰奇特以教化著聞如選郡邑開敏者爲博士弟
子受學京師歲省少府錢貨布刀遺諸博士又建
學成都擇郡邑子弟充其選復其身家以明經餽

行者自隨出入閨閣諸吏人華之居數年競爲學
官子弟蜀用此大化埒於齊魯崇陽居鄂西偏學
宮歲久圯壞主者溺時詘舉羸之說孫弗任也戊
申秋李侯至謁先師周覽鬻宇闕狀慨然曰新之
在今日及今不葺補異日者費且什伯於今咎當
主者孺星門故豎四楹脩無何輒圯旋圯旋脩費
亦不貲三閱月侯捐俸金出贖鍰募匠氏伐石易
木以垂百千禩侯又精形家言謂門左青龍界北
氣散爰集薦紳先生弟子員相度周詳遷進四丈
許先是啟聖祠陜隘庫湫徙至堂後上方厥土爽

塏厥材孔良已而殿堂齋舍垣堵甃瓴灰鍛黝堊
丹漆咸舉以法尊經閣鄉賢祠撤故更新越明年
冬工訖宮牆之內煥焉改觀已又購四書五經集
註副在有司月旦望臨講壇諸生執經問難訓詁
大義教諭敖君明善訓導謝君世灋黃君希皋命
文學雷啟宿舂糧走數百里而屬予記謂不佞從
史氏後宜勉而脩班掾之業不佞以爲侯所加意
脩學興賢循良之一理也上雋故多材士鼓吹休
明趾嫩前修是侯大有造於雋人士也休哉而問
諸所經費不請於公不徵於私又匪直厘厘省少

府金錢已者文翁不得專媿於蜀矣侯脩其學以
勸多士多士尙亦夙夜廩廩自修其學以謝侯之
美乎多士勗哉士二經術而薄本口辟之綵華雖
肖神理索然而本根則在乎子臣弟友吾每見士
人陳說倫常語極了洞至攷其厝足乃與所哆口
悖惡用工此輦輓爲也惟是子臣弟友稟於一眞
行符於言質有其文沃根厚本其指在此多士勗
哉語曰經術所以經世務夫經術先本根乃爲眞
經術卽爲眞經濟無兩致也夫惡知夫侯之亟於
今日者非爲國家異日計耶侯名冲字鴻舉號雲

麓滇之鶴慶人

王應斗重修儒學碑記天下昌明博大之氣有所自開必精神完聚根柢深固而後發皇於無窮易之萃渙並隆假廟凡以人本乎祖棲靈有地後葉滋昌道弗爽耳乃若斯文之本根孰有大於先師廟者乎其血脉相承非啻祖考而風會之隆替率惟數仞是瞻吾邑彈丸一區叨附文獻曩昔巒序莊嚴科第蔚起含香簪筆之倫肩比鱗次其重者九列班聯高牙碁布海內競南風時無有睥睨茲土者自中原多故戎馬驛騷燈火奪於烽煙咿唔銷於鼓角致令十餘稔不聞歌鹿等於石田不收雖曰氣數偶沴亦由宮牆頽廢補理非才根柢疎而精神渙也會今

上首崇道化辟雍禮成勅天下郡縣咸修學而吾邑賈侯報政三載適與時會愷悌之餘民悅易使於是集博士馬君某暨子衿某某赴學僉議力任更創始芟荆度地築土垣數萬步以樹厥藩次依占候某所卜大成門及東西廡皆如故址次儒學門稍西徙以正厥面次廣文齋舍遷就高爽次啟聖名宦鄉賢三祠址不易故制則標新次建明倫堂周

環新美始拔去朽腐鼎建文廟巍巍翼翼觀者敬起數十年茂草之墟忽耀星日恍若轍環之歸故鄉而絲竹之音瑯瑯在四壁間也自經始迄終侯每日坐堂皇纔一二晷卽臨學董治雖木石薪土之煩必親必戒迨天中擢守益復經營勿替躬收合尖比今之蘧廬一官視數畝之宮僅如甌脫奚翅霄壤哉落成之際適值賓興得脫穎一人已光始事乃侯意屬望甚宏猶存乎見少則有說焉華之初開始於一萼樂之初作肇於一音其爛雲霞而縱金石直需次以及耳多士聯翩接武仰副栽培不在旋踵耶雖然此文事也不佞竊有進焉凡築室者奠其基礎豐其梁棟繆其牖戶最後丹黃藻飾之泰山之雲霖雨天下由其顥氣渾淪轟千仞而一洩夫文章藻繪也科甲霖雨也先後本末之際則從可思已恆繹四科以德行冠文學而四教文行並舉歸於忠信聖人之所重果安在哉多士身遊膠序如女未笄亦唯是誦法孔子闡明啟本之學已爾是故鎡鋸之鋒不患不剗利而要須潛穎韜光無躍冶自鳴之意吉黃之足不患不千里而要當天機隱映在存亡滅沒之間望之似木

其德乃全毋恃虛憍而應影響說在紀涓子之養雞也江河日下古道易澆抱璞不言厚者自貴說在陶朱之論玉也神龍威鳳原以不見爲奇武城之室戒於先趨說在陽晝之論魚也審若是而含和葆真精神通乎先聖於以吐英華拾青紫翊廣大昌明之運甯有窮哉語成質於博士上於大夫咸謂歡忭之餘不廢勸勉其與

天子作人之意無悖謬也命永諸石是役也起於丙申十月竟於丁酉十二月度其費當千有餘金而紳士捐助義民輸資僅四百有奇餘皆冰蘖節省之遺也力少功倍民未知勞蓋侯宏才四應百廢修舉此特其一端云侯諱漢誼別號長傅滿洲籍山西曲沃縣人由官生今陞河南光州知縣尉陳御雯北直眞定縣人署教諭馬世盛景陵縣人湖廣壬午鄉進士署訓導通道縣教諭吳緒揚鄖縣人歲貢其首事任勞諸衿暨將作吏民有事於學宮者具列碑陰

黃袞重修儒學碑記國家所需莫切於人才人才之興必由乎學校雍正乙卯冬月予承乏茲土祇謁先師廟獻奠畢偕從事諸生徧觀殿廡堂祠深

切弗葺之懼一行作吏兩袖清風用加勸勸得二百金而明倫堂業已棟折榱崩難緩歲月因捐薄俸屬諸生之老成者丁遽戴祖聖暨黃梁夏士任急謀改作不日告成繼瞻大成殿滲漏剝落皆由崇匠拙於用筒瓦故悉令撤去取棟之朽者易之椽之損者更之桷之薄而不勝重者改之以瓦之長廣倍於常瓦者鱗次而灰封之雖丹黃藻繪適如舊規而一勞永逸蓋庶幾焉諦審崇聖祠及兩廡名宦鄉賢各牌位龕臺傾欹玷缺惕然心悸新其舊□補其缺蓋亦異於前此之簡陋也櫺星門外左右二坊詢之崇人士廢墜已五十年噫是非予責而誰責哉立謀鳩工如法鼎建務期垂久金碧煌煌雅與廟稱報竣後五日適值釋菜多士羣集而謂予曰從前宰斯邑者亦屢謀修葺矣終以傳舍視之孰與今日之完美願勒之石以誌不朽予應之曰吾盡吾職耳所請非所願也乃多士固請紀其實因備誌之竊維

聖天子右文重道其於學校至嚴且敬崇固文獻之藪也多士景型前哲爭自濯磨以無負

國家作人之雅化是又予之所厚望也夫

宋鋒學宮創建廚屋序聖人之道本於天命順乎人心其大者在君臣父子兄弟夫婦之倫其細者不遺於動靜語默日用飲食之微所謂莫載莫破鳶飛魚躍活潑潑地者是也我

朝崇儒重道春秋二祀俎豆馨香聲名度數亙古爲隆山僻小邑莫不恪恭將事秩秩有則矣然聖人有言吾食於少施氏而飽少施氏食我以禮聖人所爭者禮耳不爲其物也鋒承乏茲邑與廣文段正笏李尙裕二君日以整理聖宮振興文教爲事正殿之滲漏者補葺之名宦門垣之頽壞者創修之督課樂佾潔治豆籩省器省蠲罔敢隕越至東廡偶見煙氣逼人火光爍爍驚問其故咸曰廡與廚屋相通噫將以敬神先以慢神可乎爰捐俸另置廚屋二間去東廡若干尺維時監工者有生員丁蘧黃梁戴易諸人旣勤且慎兩月告成非曰神之格思將在此屋亦以明有禮焉耳學者體此當知一戶一牖莫不有禮推而廣之一行一止莫不有道應有斯須懈弛不得者庶於鳶飛魚躍喫緊爲人之意有合乎

吳世雄改修大成門頌并序吾崇自宋迄明人文

科第甲他邑凡登顯仕以勲猷氣節彪炳史冊者
班班可考

國初文治鼎新崇士繼起亦復有人乃嗣後寢以陵
夷至今三十餘年文運偏枯七氣鬱塞論者謂人
事之不修要亦地靈之未匯蓋學宮爲儲材地而
文廟自乙未改剏向背陰陽失循古制宜乎神不
據而庥莫凝也乾隆己巳天都曹侯以南邦名賢
來涖甫下車咨邑利病愀然於科第之寥落加意
振興整頓書院甫畢卽議改修文廟以功重大未
卽舉也越二年政通人和崇人士以爲請侯捐廉

爲倡與段李兩學師大集諸生明倫堂諭厥指示
以經營方略先大成門次兩廡次櫺星門次內外
泮池以及屏牆牌樓一時並舉於是斲刻丹雘隆
然完富又以奎星閣湫處北隅堙其光彩仍移建
北峯亭復其故所皆宏敞改觀旣落成眺望東南
諸峯天馬誥軸森集於前紫氣嵐光蓊鬱交映宛
然天開圖畫所謂雲山經用始鮮明有如是與則
使吾崇人士從新振起克復疇曩之盛者皆我侯
賜也世雄不文謹獻泮水之頌凡八章章八句思
樂泮水將將大成古制往背正位今凝靈承巽秀

照繼離明文運連蹇我侯是亨思樂泮水觀聽橋
門左右斯翼有伉掖垣昔愆於度今正其藩吾道
閑峻我侯是尊思樂泮水泮水洋洋澤滋芹藻載
苾載芳昔侈靈洩今密秀藏文瀾灑渙我侯是皇
思樂泮水瞻彼北峯閣崇奎宿景耀黌宮秋風鳴
鹿春雨化龍文星之佑我侯之庸穆穆我侯國之
楨柱其德格天和風甘雨其膏乳民前歌後舞旣
作泮宮媿休東魯明明我侯天祚下邑培我民風
端我士習在泮飲酒繁祉雲集子子孫孫鸞翔鵠
立濟濟多士侯弟侯子克廣德心毋俾室圯黜爾
浮華散爾廉恥靡有不孝令聞不已皇皇聖道互
地配天攸居永奠崇福永緜無以侯歸

天子曰賢何以祝之億萬斯年

○按順治乙未年鼎建學宮至曹侯改大成門時
九十八年舊志載侯碑云自乙丑改廟以來文風
凋敝於今六十餘年吳雨巒此碑原本亦稱乙丑
俱失考更正之又按舊學宮震向此改兼巽方仍
未爲妥後五十年嘉慶壬戌石蓉城學師復原向
鋤土得先年柱礎基石位置脗合嗣後文運較利
於前同治元年恩科王侯樞臣先於學宮前倚城

垣建聚星亭

一名王公亭
見前公署門

預卜三人獲雋已而

舉三鄉貢一副貢侯自記云吾鄉周太常志齋攝
應天府篆府學文廟坐乾向巽乾方有高阜上建
尊經閣高大用事剋制巽門公於廟前建巨坊以
益震巽之氣謂後當出三鼎甲繼而皆驗崇之文
廟坐兌向震城北乾方亦有高阜建奎星閣其上
與應天文廟形勢略同予因師其意於震方建小
亭以補震氣額曰聚星亭欲倖收應天之效亦未
敢期其必效也是科獲雋者竟得四人予既喜言
之幸中而尤願諸君砥礪琢磨相繼於無窮云

崇陽縣志

卷三建置 學校

三九

王應斗鶴集泮林詩靈羽從何至翛然遶殿除夙
供仙子駕今傍聖人居響振青霄外光澄碧沼餘
由來非玩物引首看凌虛又學宮古柏次袁參嵐
韻二首飽盡風煙幾歲寒哀然高韻轟文壇聲搖
五夜飛金玉色映千秋擁蓋冠並秀已無羣卉在
後凋應作老成看森陰偶寄騷人榻累日豪吟屬
和難蕭條猶見典型垂鐵幹銅標迥自持鎮定轉
憐風勁後孤清遙對月明時危巢蔽日棲烏老瑞
骨畱仙夢鶴知幾度宮牆鳴夜雨淒淒如響壁間
絲

學田宋元俱有其制明洪武初令師生廩食月米六斗後令日米一升魚肉鹽酪之類官給之皆出自田租十五年定廩膳月米一石正統元年令有司僉與膳夫二名後俱裁只存膳夫銀六錢零

國朝康熙四年定廩膳生二十名餼銀詳後食貨志此中縣例也崇邑學田舊無考明萬曆元年知縣胡秉性捐俸買民田二十一畝三分有奇爲膏火花紅及貧生資劉景韶記立石戟門五年知縣周應中清丈均賦查隱漏田三百八十五畝入學共租三百石有奇租銀三兩十六年司訓李如芝履畝踏實申減租三分之一定租二百三十一石一斗七升三合

劉景韶學田記語曰周士貴秦士賤詎直教也與哉蓋亦養之殊致云周人百畝而徹士有恆產得以操縵而息之以游于田矣惟是人人有貴於己者靡不有學靡不有田是上之所勗然也周衰而并田廢陵遲以至於秦六藝從此缺焉士特賤乎哉惟士無田不有康食齊民末業什則下之亦猶鄒魯之於曹邴氏也以其故多去文學而趨利不足以爲士矣君子觀之其所謂養與教不可稽夫

明興建學徧天下其法蓋準諸虞周邑諸生亡論正業卽歲復其身旣廩其高等輸之成均賓興其賢者食之祿足云不家食矣顧田未可井授無巖奇處士之行而長貧賤以取給於上焉是有司之守也有司斤斤簿書月旦望一至學舍謁夫子爲諸生陳說訓詁大義察其無所爲養與喪也者而周之世稱良吏譽隆且去遑恤我後卽周之莫能徧且難乎其爲繼矣有能教之周之攝慮而繼之蓋旣去而不能忘之則胡侯之於茲崇人士也侯所課士予穀給膏火菁莪其俗語在循治紀已而

政成被召侯且依依念諸士復爲捐俸若干買田一區俾學舍掌之以時周焉田在郭南三里凡若干畝歲可收穀若干石士所取給以養以相愉快於冠婚喪祭之間而其教益章是侯所爲周之萬年一日也且令後世得以觀擇嗣有興焉斯可繼也亦爲侯貽之也邑有學自國初始學有田則始自侯惠澤豈其微哉嗟夫是田也古之遺愛也嗣是而修禮以耕之陳義以種之講學以耨之本仁以聚之播樂以安之是在諸士之力田無負置田者之意云爾矣若名業或不相得因緣爲姦罔士

不周自貴而秦自賤則吾豈敢知之哉侯去崇之
明年諸士雷生某等相與茹侯之愛不朽以告署
縣陳君某博士廖君某周君某田君某屬余記其
事於石余故論著其大者而主計擘劃條法具列
諸碑陰侯名秉性宇汝成河南辛酉鄉進士今爲
南京山東道御史萬曆三年五月朔日記

國朝順治十四年知縣賈漢誼丈糧後學田一頃九
十八畝一分三釐七毫五絲地一十七畝九分四
釐九毫租一百九十一石七斗五升七合七勺專
給貧生歲徵折銀三十五兩二錢七分嗣後田地

崇陽縣志

卷三建置 學校

四二

陸續有加道光六年丙戌十月田元清元貴元爵
鼎乾立成明奇道高等捐烏石里大嶺山田三石
三斗四升共二十八號塘一口房屋二間八年戊
子八月買外泮池左蘇大林正房二間偏屋二間
屋後菜園在內東至奎星閣舊基新開之田南至

左邊牆直
上爲界

又買外泮池右田六升當卽折屋廢田

作外泮池路已上俱
有契約九年己丑秋月新開西關外

古學宮基田并古詠歸亭基田共一石三斗大小
一十五號又新開塘一口古學宮基址在西關外
龔姓墳山下其基塹上東西闊一十三丈南北長

一十二丈東至龔墳前除禁一丈南至山墾北至墾下基東

西闊十丈五尺南北長十八丈五尺東至港溝今廢溝作田西

至聶家牆古詠歸亭基址東西闊三丈南北長五丈五

尺東至溝西北至聶家菜園南至河北至街又新開北關內節烈祠舊

基奎星閣舊基田一號稅二斗節烈祠舊基在外

泮池左南北長十丈東西前一丈三尺後二丈八

尺東至寺園西至奎星閣基南至外泮池北至城路奎星閣舊基在節烈

祠基右南北長十丈東西前二丈七尺後三丈二

尺東至節烈祠基南至外泮池西至民基北至城路道光十一年辛卯三

月節婦楊張氏捐下津渡墩田一斗二升七月汪

崇陽縣志

卷三建置

學校

四三

正時捐沙坪保田一畝九分八釐十三年癸巳四

月買汪洋忠等北關內坐東向西房屋一所一進

一重北至蘇屋共堞南至汪本繩屋共堞西至宮街傍北屋後正房一間

西北俱與屋後有餘基南至隨堞直出北至與

已上俱二十二年壬寅汪本皋修理外泮池於池

外餘基開田一坵計種三斗○已上田租皆文廟

檢蓋之用惟楊節婦所捐用檢蓋節烈祠租數詳

楊一鶚所編雲路先資冊內

學山不一處仙獅巖收租較多其山周遭十餘里

係明成化時邑人汪恭捐入

國朝順治間知縣賈漢誼清丈造冊召佃每年學租錢三千文爲年終發給貧生之費嗣經教諭方梁材訓導宋仇佺教諭彭兆珂訓導劉焜先後清得是山產木子出息頗蕃令衆花戶赴學承召納租錢四十串更立汪捐學花名每年除以三千文繳縣外其三十七串爲助文廟歲時修理之資其餘諸山學租舊志不詳俟補載雲路先資冊

書院

桃溪書院在東城內雍正十三年邑侯李五愷捐俸勸建諸生戴祖聖丁蘧董役正屋前重北向後

重講堂南向前建仰文亭堂額曰追蹤白鹿李侯原題也黃侯袞題曰人文淵藪仰文亭邑人奉李侯祿位其上曹侯學詩更名涼薰閣有記嘉慶間曾侯翕受重建改院門南向面雉堞道光十七年從九銜丁學足重新講堂二十二年金侯雲門捐俸爲倡丁學足等捐金重新前重侯題聯云郅治溯雍熙孝友任卹睦婣願百里閒蒸成美俗育才同學校道德文章勲業爲三代後做箇完人咸豐甲寅兵燬惟講堂存
曹學詩涼薰閣記古之學者藏修於闈而抗志於

虛故必有息遊之所以抒其牢籠萬象吐納江山之氣而後能遊心天表悠悠乎與造化爲徒記云可以居高明可以遠眺望蓋靜觀而遐矚其境空斯其情曠其神爽斯其氣澄而鄙垢俗塵不得而入崇邑有桃溪書院余捐清俸助膏火延師講習課諸生肄業其中其西偏有傑閣摩空予題其額曰涼薰暇則率諸生論文而登覽焉閣南向俯城闔窅然以幽軒然以敞其西南天靈丫髻銅鐘金櫃諸峯皆青環翠拱出沒蜿蜒橫瓦如畫城以外爲中洲渡煙波彌望夕照渺然沙鳥風帆歷歷可

數遠近皆漁村農屋多野色無市聲凡夫雲之起月之生嵐之濃靄之澹與夫霞光之綺麗雨氣之空濛皆可以悅性靈而娛心目予課士餘閒凭闌遠望有泠然善颯然和振響於林皋而調刁於樹末者披襟而受之曰快哉風乎其御之而可仙乎其醺之而可醉乎其臥之而可羲皇乎其渙於水而成文其噫於空而爲籟乎詩曰凱風自南又曰飄風自南言長養也蓋其散也無形其虛也易入吹噓披拂而生意潛滋君子之憑高以唱而長養人才亦猶是也夫士固有氣囂於凌競心熱於奔

趨曾不知物外以遊有清涼之況味者何也其境卑其神隘也諸生之登茲閣也無亦感喁于之泠響悟清妙之天機躁者消煩者滌飄飄乎有遺世獨立思歟且中洲爲元季李方齋讀書遺址方齋以對策魁大廷諸生無亦有接踵前賢而九萬培風扶搖直上者歟予竊喜諸生之績學能文而尤願其抗志於虛滌其煩而消其躁也於是乎書

書院始建購民基爲址

黃雪開地

東至小巷南北一十

六丈二尺內除城基一丈東西三丈二尺一寸正屋三間前重三間中大門左右舖房正屋後廂房

崇陽縣志

卷三建置

學校

四六

七間作書舍後重正屋三間中講堂左右書舍又

於書院左買基地三契

王瑚黃皇山黃梁地

南北一十六丈

二尺東西前及中俱闊二丈八尺五寸後闊三丈八尺五寸前造舖屋兩重各三間後間以牆面南書舍三間面東書舍三間面西廚屋二間其舖屋租銀歲十餘兩爲業師蔬菜資其門旁店屋租歲三兩爲書院檢蓋費又買

夏士梁

雷駱畷蔡家沖露

字號田塘稅一十八畝七分九釐屋三間基稅一畝正米七斗六升其租給業師作學俸其糧餉每年官自墊解此俱係李侯捐廉也乾隆五年增入

周姓所捐桂口楓林墩新字號田十三畝有奇地
四畝有奇共田地二十九號并後陸續增入灌溪
保田一石一斗八升銅鐘保田一斗六升茶地一
塊收租俱爲書院膏火之資至於觀風月課花紅
則歷任邑侯捐俸給之○按舖屋屢經廢興租數
隨時增減有差茲所載本舊志不爲定例

曹學詩桃溪書院觀風告示照得崇陽一邑山環
水抱本人文鵲起之鄉俗樸風淳爲科第蟬聯之
地薦芳蘋於俎豆清風尙想乖厓尋瑤草於丹鑪
仙跡猶畱葛井羨地靈之毓秀柳暗花明當文運

之增輝雲蒸霞蔚聽書聲於茅屋音流鐵柱之山
譜琴韻於膠庠響徹銅鐘之洞白驪馭遠有追風
躡電之才黃獺巖高多戢翼隱鱗之客近寶陀之
樹色傾伽烏報仙音鄰丫髻之嵐光纓絡松垂佛
座池名濯錦波澄五色之文心山喚團雲影幻萬
重之筆彩水浸黃公坑口客跨金鼈煙開靈女峯
頭人騎碧鳳是以銘鐘勒鼎代有名臣曳組鳴珪
家傳望族光生綸綍九重之賜璽輝煌寶重球圖
一室之藏書炳耀任封疆之節鉞人歌繡豸威名
掌制詔於金泥土慕銅螭雅望播慈和於邵杜歌

襦回蛾黛之生傳謗諤於臯夔抗疏落貂璫之膽
前徽雖遠豈嗣響之無人後哲相承幸淵源之有
自本縣恭膺憲檄出宰巖疆思

聖朝曦鳳棲梧已慶風雲於璧沼喜多士餐蘭佩芷
將親月旦於芹宮冰雪英才已見絃歌比屋煙霞
拙吏何妨鼓舞登堂爰從琴鶴之餘閒願拔驪黃
之眞品爲此仰闔邑舉監生童知悉入桃源而奏
曲落花隨夢管繽紛臨墨沼以揮毫流水與春箋
蕩漾宮鳴商應文昌和夏擊之鐘骨換胎移抱朴
鍊飛昇之鼎照瀛潭之寒月靈心同七寶俱圓看

洲浦乙餘霞麗綺與五雲交映文瀾傾峽飛雪浪
於壺頭健筆摩空捧朝陽於峯頂本縣孤寒鑒賞
憐才最有眞心甘苦親嘗品藻甯無定鑑聚五星
於奎壁自可探珠吟寸晷於風簷何妨刻燭松風
冷署冰壺靜照官齋花雨疎簾玉尺頻量國士但
願言坊行表端模楷於家修庶幾春誦夏弦化囂
凌之里俗士先器識無徒標榜浮名人砥廉隅漸
可磨礪經術爾多士或文章華國凌雲看寶氣之
騰或詩賦升堂擲地聽金聲之響盥薔薇之香露
願讀佳篇開翡翠之巾箱欣觀雅製

王觀潮畱別桃溪書院王恕齋山長詩四載書堂
快飲醅見君如見古之人知交豈有形骸隔名士
從來面目真柘館春風思杖履菰帆秋雨憶鱸莼
高年眠食須珍重好把雙魚相寄頻

山谷書院邑東金城山椒黃庭堅讀書處堂楹曰
浩然今於其旁建文昌閣

譚登元浩然堂記浩然堂者宋太史黃山谷讀書
邑之金城山顏其堂曰浩然蓋取孟子善養浩然
之氣以自命也是氣也配義與道充之而塞天地
集義之功不至而襲取之未有不餒者也太史以

此自命可想見古人以聖賢爲必可學而欲推之
以至乎其極千載下猶可想見其意度焉嗟乎以
太史之才之德用以勸文治敷雅化綽然有餘而
厄於權奸投竄以死昔人云蘇黃不作文章客童
蔡偏爲社稷臣蓋傷其不遇也相傳太史有姑適
邑高姓偶來訪親因讀書是山考其年譜未載當
非久處於此者顧行蹤所至不廢披吟可知蕭疎
澹遠翛然自得於雲水煙霞之間其氣之不容屈
抑者自有在也生平文章節操足以冠時流而跨
百代而詩詞煥發曾無摧挫不平之氣其所養又

可知矣吾鄉之士歲以二月朔祀文昌於茲堂并祀太史嗚乎太史往矣而是氣所磅礴必將往來於太虛與茲山並峙蓋其肄業之地當年之所以自命者在是卽真氣之靈棲亦必在是茲山不朽而太史之名與之俱不朽者其氣使之然也
狀元書院在南河中洲元李政茂讀書處
鳴鶴書院在邑西油隴元進士艾朝端建遠近遊學者居之今廢

白泉書院大集山麓明邑人汪文明文盛兄弟讀書處

崇陽縣志

卷三建置 學校

五十

林泉書舍在白泉邑人夏謙立多名人題詠

桃溪書屋在邑東邑人蔡甯立廣陵程鑑記俱廢
天香書屋城東古城岡上知縣金雲門建兵燬○
郡邑書院之設元中統間令先儒過化之地名賢經行之所民自出錢粟贍學者並充爲書院其掌教自行省與宣慰司命之謂之山長原本鹿洞鵝湖之意而定爲例所以羽翼黌宮鼓吹泮水者也
邑桃溪書院蓋沿其制若山谷狀元諸名色記前人之遺迹而已規模或未之備惟鳴鶴及林泉諸書屋殆聚朋講學地然亦無復遺址矣因其爲名

教所憑依故以次附焉

義學

城中兩社學外社學見公署門舊立義學一道光二十二

年金侯雲門增設四義學於四鄉二十九年姚侯

國振復增城中義學一城中舊義學設西城後街

新義學設菊仙祠東鄉義學一設回龍寺一設白

霓橋南鄉義學設唐封寺西北鄉義學設羅漢寺

○右六義學有田自官收租用為修脯延師訓蒙

設城市以市兒易習於詐也設山寺以山童多病

於愚也近年鄉間各起義塾各有公儲會文講藝

崇陽縣志

卷三建置 學校

五一

士氣之振興殆重有賴乎例得並書

高堤書館在雨山麓明宏治閒汪恭為鄉子弟建

久廢 龍團義塾青山保聖人山廟太學生陳直心倡置田畝

規條詳印簿 石屋義塾石屋保公建 梓溪義

塾石屋保第六牌明經熊鍾祥倡建 美林義塾肥田保

上牌公建 興文義塾肥田保下牌公建 碧田

義塾碧田畝公建 韻雪義塾崇洪保余子金余尚澄倡建

有印簿 四聖義塾四聖保熊洪猷王國泰陳啓芳劉春泉 倡建

大原義塾林桂軒為鄉子弟建有田繕學已上鄉塾

高侯佐廷喜石屋肥田新設鄉塾詩次傅山人燮

鼎韻并序石屋肥田二堡新設鄉塾月會課文復
有公積垂永久正合范文正公學田之舉洵邑中
善事也碧田大原亦將踵行從此比戶絃歌人文
蔚起仁讓之風遍行四境古道可復誠厚幸矣山
人請登諸志乘詩紀其事予聞之爲之欣然色喜
尤願各塾子弟互相砥礪勉爲善士文章氣節彪
炳千秋不特仕宦科名光增閭里以慰予期望之
意也可

爲貪鶴俸漫乘車十載風塵老簿書不有潘花慙
作縣幸鄰陶柳儼同居雲霄咫尺高攀鳳雷雨飛

崇陽縣志

卷三建置

學校

五二

騰預種魚石屋肥田佳子弟課功爲報月何如
科名努力希前哲植品根基始少年氣節千秋關
見地詩書萬卷勝求田舉頭天上爭看榜放眼人
閒笑執鞭講席是誰堪領袖四山桃李爲公妍
關西書塾在碧雲峯舊爲碧峯庵楊一鶚改家塾
捐田爲倡

劉氏義塾在雷駱畷劉坊裔子孫立同治元年劉
乙輝等稟縣給印諭刊碑貽後

彭氏義塾在城下畷

甘氏義塾在蔡家墩井厂上

陳氏義塾在楊林畝 鄧氏義塾號凌雲軒在城隍畝 艾氏義塾在烏石畝 丁氏義塾在羅樓灣丁志善後裔建 汪氏義塾在浮溪橋汪長水後裔子桂等建 果育義塾在壺頭東岸與西岸韻雪義塾相並

余果卿子金捐田一石爲倡以溪水漲村童往還爲艱復建此

考棚

考棚在東門後街南向道光二十五年知縣金雲門建有記勒石其規制前爲頭門曲折由雲路再進爲龍門直上爲堂兩旁分東西棚棚各二東棚外有子棚規制如督學試院堂後左右皆有屋兩

崇陽縣志

卷三 建置 學校

五三

重東邊較廣爲閱女所爲廚舍出龍門右首與雲路相對有房屋爲司管鑰所龍門前爲內屏牆頭門外爲外屏牆前後屋雷爲限左右圍牆爲界其基購民地爲之有生員王顯烈捐基在內兵燹以來號凳盡燬歷任知縣借爲衙署改棚爲房舍過半非復往時規制

金雲門創建考棚碑

國家稽古右文振興士類處之以學宮課之以書院而又闢地爲試士所其地內必宏敞無取隘以促也外必鉅麗無取卑以陋也豈曰窮物力侈華美

所以明待士務崇禮貌以昭慎重無所苟焉爾已
崇邑向無考棚試士於縣署應試者几案與偕或
負或戴蠡擁來前余始至詫焉及再來泣爲置桌
凳八百號顧未遑議考棚之建以時有待也又二
年歲甲辰始謀諸邑人士則皆踴躍從命鳩工庀
材剋期而集於是相度城東北隅得爽塏地築之
登登百堵皆作經始於乙巳四月明年五月工成
門楹堂室畢備如制地則平之甃之壁則堊之黝
之采桷得其材瓦石適其職質而有文別而有容
正大而高明洵足以極壯觀光盛典矣已又以餘
錢四千緡權子母爲文童買卷並新進院覆之費
附興賢莊經理俾士之寒素無力者不致向隅焉
是二者蓋嘗數年往來予胸中一旦皆如願償其
愉快爲何如耶夫人才之興必有所自亨通由於
運會鼓舞視乎氣機邑向稱人文藪

國朝科第乃較減於往時向非無培基而植本者也
將有所爲或令出而應之者少或謀定而沮之者
多則時未至耳今者興大役畫遠圖立見成就如
是是邑文教將昌之候也顧予得際此運會乘此
氣機爲多士推之挽之以追蹤前軌又何幸如之

雖然文章期於有用器識在所宜先邑人士其互相鼓舞爭自琢磨異日宣力中外爲名臣並優學行爲大儒建立名節爲誼士凡足爲邦家光者皆於斯出則又非區區一科一第足厭予之厚望也已
是役邑紳士與有勞者劉鎮鼎沈昌教黃應運在本皋劉鎮淮黃應位沈興仁夏茹榮劉學升程燮昭金國珊田正表汪澧仁何昺燮譚應春陰楚金田植清殷安邦例得勒名其各保勸捐及樂輸姓名俱以次刊石俾後人知所勸焉○按院費一頃今暫廢俟後舉行

崇陽縣志

卷三建置 學校

五五

課雨亭在考棚後偏左咸豐七年諸邑侯蘭谷借

民地爲小圃

今志局給價買作考棚基

同治二年高侯篠川

構亭其旁名曰課雨自記云崇陽山多田少與前宰漢川澤國不同漢川時多望晴崇陽時多望雨現借考棚爲衙署閑閱過高欲觀天象課雨有無幾同坐井爰於署後旁地架木爲亭以便課雨朝看東南晚看西北語雖俗而多驗於今四載農賴有秋因以課雨名亭用傅山人韻賦詩二章

萬家衣食繫民間難託林泉一味閒晴到十天須課雨此亭不止爲看山花影剛扶月上牆四山雲

起雨來忙借將師課勤官課百里南風粳稻香
燕掌衡廣文和韻雨歇剛經十日閒滂沱又沛老
農閒宰官朝夕慇懃課祈禱無須到嶧山構亭衙
畔對宮牆課士勤農兩兩忙雨後風光無限好稻
花香送又芹香
萬澍辰廣文和韻官閣常懷隴畝閒使君霖雨刻
雖閒桔槔欲動池塘滿心逐飛雲早出山楊柳低
簷蕉過牆登臨不爲賞花忙憑闌早晚看雲後卜
易一鑪沈水香

興賢莊

崇陽縣志

卷三建置

學校

五六

興賢莊始於道光四年趙侯秉涪允邑紳劉鎮鼎
沈士林汪正瓊沈用貞黃應運黃應位汪啟德等
請倡興是舉時捐者二十八家錢一百五十萬存
典生息印簿二本侯爲序九年顧侯世燾詳請立
案粗議條規十四年王侯觀潮允汪正瓊殷植澧
沈得源黃應運陳臻起汪啟敏等請續舉勸捐捐
者二十九家錢一百五十萬侯爲序詳請如前二
十六年金侯雲門議再續捐廉爲倡捐者三十六
家錢一百八十五萬改定條規始建賓興館侯爲
序咸豐初粵匪起西南傅燮鼎倡議改存典錢置

田產眾議不合遂止四年賊入崇各典歇業八年
饒應暄黃玉楊一鶚柳鎮瑚姜鳳翹劉汝筠田濟
川等清理舊項值王侯筠節以作育人材爲己任
兼奉大府飭令各典量力賠繳於是諸典繳錢買
田或以出屋抵補有差此後遂變爲賓興田矣外
又各姓捐田及金界院祇園庵廢田判令入莊皆
王侯力主之同治元年楊一鶚編興賢莊田冊爲
雲路先資更酌條規通稟各大府王侯紹薪及燕
光烜萬裕灃兩學師皆爲序王侯栽培士類意尤
懇切議舉續捐邑人先後加捐者又得若干并積

年增置田莊接管首事條例具載雲路先資冊
趙秉淳崇邑賓興場費冊序自古人材之興原於
朝廷教澤之盛而其董而成之者由於一鄉一邑
周官大司徒之職賓興三物其自鄉大夫至於比
長復兢兢以德行道藝孝弟睦婣任恤敬敏和親
爲教非直苟且而補苴已也蓋以耳目親暱之儔
引而聚之朝夕游處之中加以愛惜而廣爲宏獎
使人人爭自淬厲馴致鼓舞振作於莫可已風俗
以成人材以興詎不由此崇舊多閎閱之家有明
嘉隆以還文人輩出其時多掇巍科躋顯秩宏文

佐治後先輝映至今傳之邑乘猶有餘光余初泣
崇時攬溪山雄秀之氣儼然而盈粹然而清知必
有人焉奮翹蔚起聯翩天衢之上安見今果異於
昔所云耶十年來文運漸開士氣彌奮射策明光
之殿附報泥金之帖較前數十年顯晦頓殊不可
謂非一時之盛也顧余屢主童子試公餘校課諸
生見所爲文章類皆雄傑可喜之作以斯見賞於
宗工哲匠應有蹶然興者而乃銳意鑽研或不盡
應科名詢其故則爲艱於場屋之費吁其亦可歎
也已余舊聞興賢莊之說他郡邑往往有之而崇

獨缺焉於是讀書有用之才莫克踴躍觀光蜚英
聲而騰茂實歲甲申劉辛畚主講桃溪書院與都
人士創興是舉用以培植寒畯羽翼青雲將令鸞
鳳翔而蛟龍躍奇寶不橫棄於道側詎非不朽之
僅事彼聚類也甚夥而取數也不多合之得如千
數迄茲議克協而事竟成余竊嘉焉夫以我

國家造士之隆也恩渥而意勤舉凡砥德礪材者靡
不沐浴福德仰被甄擢而一鄉一邑之間復覩義
氣奮興仁讓風行則教澤之所涵濡而薰蒸者固
深且久也不然得之者豈遽以爲利予之者亦非

以爲名胡爲慷慨仗義之舉人心不約而同如此此以知崇之人淬厲有加更鼓舞振作於莫可已猶有周官遺意風俗之成人材之興余能無厚望也夫

金雲門再續捐賓興場費冊序事有扞而不能守則廢能守矣而或不能權宜變通因時補益亦無由維持焉以傳於無窮

國家三年大比郡縣士合試於省明年試中式士於禮部甚盛典也試士多寒素其邑之饒者率醵資生息以贈行命曰賓興公車費所在有之而崇則

自前令趙君秉涇邑紳劉學博鎮鼎議勸於前前令王君觀潮續捐於後洵所稱能勑能守者歟顧其聚資無多計歲所入每正科可給省試人五緡部試人三十緡值 恩科則恆歉其數方今

壽考作人 恩科迭舉士之踴躍觀光者所需固不能以時增減也又崇陽去京師三千里部試者挾三十緡何足以濟余自辛丑春攝邑篆慨然思有以變通而補益之旋以受代不果行是冬吏民釀巨禍越正月事平余復奉調來辦繕後事欣然曰是可以行吾志矣其時大難初夷更生之族喁喁向

化適歲又倍收愈樂出其餘以助義舉自城垣學宮書院煥然一新城外造塔三座以培文峯其餘養濟育嬰均有增設值大比期余既捐給合邑卷燭以賓興續捐之謀咨於衆且捐廉爲倡僉應曰諾於是仍屬之劉學博鎮鼎相率勸諭未幾而事集何吾民好義之誠而赴義之勇也計新捐並舊所有合得若干數存典生息以紳士二人董之自今酌令省試者正科分給如舊 恩科分給如正科無有所歉部試者無論正科 恩科率人五十緡又以餘貲於城東隅購屋一區稍加補葺爲賓興聚集所彬彬乎美矣備矣余因告於衆曰凡事成之難墜之易此舉自甲申肇議歷二十餘年始能美備如今日蓋其成若斯之難也思其難而慎持之使不至墜繄惟董事者之責抑又聞之事與時易爾崇民俗日厚文風日上卽今應童試者已將倍於余初來涖時可知春秋兩闈人材方興而未未有艾安見今之美備不更有待於後之變通補益也是用厚望於來者

王紹薪賓興場費冊序崇邑賓興場費之設由來已久始自前令趙君秉淳王君觀潮醵錢若干緡

爲省部兩試費而聚資無多用輒支絀迨前令金君雲門擴而充之捐廉爲倡邑中殷實家皆樂出其餘積成義舉并前所儲共得若干緡存質庫生息董以紳士二人復以餘貲構屋城東偏爲賓興聚積所此外更修葺學宮書院城外造塔三座其培植文風作養士氣者固如是之美且備也咸豐四年甲寅粵逆竄擾浩劫頻經至十一年辛酉方就安謐中間焚掠殺擄里巷爲墟存典生息之款蕩然無存當時讀書士子弱者率流離蕩析强者多投筆從戎絃歌爲之暫輟者七八年矣復賴前令王君筠節令諸質庫各繳錢千緡購田若干畝並邑紳所捐田畝共得若干畝計租鬻值以濟兩試雖未復其舊而因時權變俾數十年鉅典廢而復興王君之功豈出金君下哉同治元年壬戌春余承乏斯邑董事諸紳以新舊各章相質並屬爲敘予受閱之見其籌畫周妥條款詳明所以守先裕後歷久不敝者美哉無遺憾余旣喜前任諸君共任其難且勞而余獨享其易且逸又嘉諸君不憚辛勤罔恤怨謗奉公潔己終底於成使窮鄉僻壤中有志上進者皆不困於資斧逞驂騶之路展

騏驥之才甚盛事也是科省試獲雋者四人爲
本朝所未有此舉有關文教彰明較著已抑余猶有
懼焉從來文運之開愈鬱則愈盛人才之奮漸積
則漸多由今日而推將見人文蔚起連茹彙征以
見在賓興有限之儲應異日多士無窮之用其不
貽譏於瓶罄者未之有也余方擬踵事增華與諸
紳籌議續捐多多益善使後來蜚聲騰實之彥彈
冠于于永恃爲不涸之源不竭之府豈不幸甚恐
余瓜代有期不克目擊其盛仍望諸君竭力維持
準人情爲沿革酌時勢爲變通務使從前官紳作
養人才之雅意歷久常新則余有厚望焉

崇陽縣志

卷三 建置 學校

六二

賓興館城東南隅道光丙午購汪姓宅改建屋三
重面城南向位菊仙祠右牆宇相連後重左過更
有堂室當菊仙祠後相傳俱明黃鉉觀別業也中
廳改造寬大新設兩龕奉文昌關帝牌位兩壁舊
俱嵌石鐫序文及先後捐戶姓名依次臚列如左

汪鳴盛

沈垂久

已上各捐
錢一百串

饒孟釗

丁亨叟

劉士函

金文祥

黃升極

甘勝九

姜文輝

王都泰

陳聖樹

劉傑廷

金世澤

陳之瀚

陳盈科

魏大種

陳炳晉

楊貢淮

陳天瑞

汪永清

陳增運

沈瑞國

謝兩觀

石之綱

何作霖

陳啓楨

田正寅

龐繼有

俱道上各捐錢五十年

魏日章

捐錢一百串

殷受愷

譚國賢

柳庚什

謝瑞才

王文瑞

五冰閏

汪義庭

劉仲文

周秉方

周玉朝

談明萬

王司直

譚直義

劉鎮淮

劉汝亮

石光貴

舒全壽

程明才

黃台川

雷少二

崇陽縣志

卷三建置學校

六三

曾興遠

陳景昌

田杏魁

王其華

甘玉相

陳協贊

金國珊

龔坤明

已上各捐錢五十年俱道光十二年

金侯菊仙

捐錢五十串

程時彥

都捐錢一百串本邑五十串其子銘烈官京

沈麟書

汪天瑞

夏應登

楊洪璧

何品尚

何銀甫

何冠羣

何昔模

吳其章

魏應南

汪義庭

楊星佑

程忠秀

汪育泰

任世爵

汪隆玉

張仲輔

林炳照

汪正時

舒萬孚

盧超拔

盧聯芳

蕭際成

沈興珍

艾宗善

徐義治

饒廿六

饒萬煜

程必禎

何二祖

孫福五

熊辛鼇

甘佐周

金致祥

熊黃山

已上各捐錢五串俱道光二

十六年

劉炳瀾

二十八年捐

趙光宇

捐錢一百串

楊洪允

黃廷煜

魏席珍

宋潮祖

鄧楚珩

李之仁

汪本皋

王龍占

周會泰

周正明

陳之杞

李兩曜

曾道南

丁志善

龔淑和

全姪賢瑞

張東燦

崇陽縣志

卷三 建置 學校

六四

傅奇卿

魏象賢

胡席珍

魏應南

程宗秀

劉貞幹

周文祥

汪禮元

傅玉振

揭宗義

馮旭亭

殷炳順

周應槐

陳省餘

張國祥

汪同義

舒和亭

程東海

豪頭

上半保

方山保

胡義靜

金華珍

葉壽伯

吳先新

已上各捐陸錢五十串咸豐九年後續加捐

唐秀峯

方雲韶

譚有典

夏德祿

張宏萬

張振家

蔡武烈

饒元勝

汪鎮高

林樹泰

李拔朝

已上各捐錢
二十五串

龐繼有 錢一
千串

章日新 錢六
百串

汪義和 田十石
抵錢一四千
串五

田以義 田六石
抵錢一八千
串二

余永康 典八石
屋抵錢一
千周姓田

又□□□
除用掃數
繳出領何
怡豐典交
出卷資

崇陽縣志

卷

三建置學校

六五

已上各典
所繳錢

曾成齋 田三石

宋萬五 田一石

王汝弼 田二斗
升五合七

鄒如岳 田九斗

熊惠三 田五斗

鄧香山 田一斗
升二

周定立 田五斗
基一塊屋

金界寺 田十石
六

祇園庵 田三石
斗五升七

凌雲塔 田五石五斗五升

已上歷年捐撥之田

字藏

桃溪書院側一所 楠曰斯文化境 諸生金赤文董繕 江

水嶺一所 餘耕礮一所 石礮背一所 大白

源一所 大塘一所 浪口保 侯王廟一所 牌上

一所 沈家冲口一所 黃沙保 塘口一所 雙港保陳義豐

等倡建外有汪茂壽捐繕潰命橋田五畝五分其餘費存積送字紙籃 所嶺一所

石頭亭一所 河山保 蝦蟆石一所 太學周開勲等倡建

烏龜石一所 洪家礮一所 諸生沈炳杰募建 龍鳳港

一所 庠生熊洪猷改建小墟 舒家礮一所 山上寶 白驪畷

崇陽縣志

卷三 建置

學校

六六

一所 明經劉汝祥倡建 城隍冲口一所 方山麓 觔絲礮

一所 白土山一所 迴峯寺一所 桂口保 大塘

下一所 妙明保

居庠序地讀聖賢書由之而不知習焉而不察學者之通病也矧連年兵燹所在郡縣橫舍頽敝鞠為園蔬異言日張士氣多餒斯道之憂殆甚於楊墨紛起時學校志惡可忽乎邑舊志過於簡略茲於廟典學典俱加詳焉以至書院鄉塾凡作養士類有關文教者一一附後昭慎重也春秋廟祀禮儀樂舞以文繁另載第五卷

義所

義在天下至顯也行而由之弗思其義義遂隱矣
義學義倉義渡義塚舊志分繫各類以義爲名其
義易見而有事關政典利在養民尤當顧名而思
義者莫如育嬰養濟二端聖人言志老安少懷大
學平天下老老恤孤因特編爲義所次學校後民
生待澤譬渴者之於飲思義莫如充類故施茶所
附焉編列如左

育嬰堂縣署左側面北街正屋兩進門樓一重前
後廊房共七間甄垣四周雍正十三年知縣李五

崇陽縣志

卷二 建置 義所

六七

愷奉文飭邑人士捐貲建購陳治勛陳夏傳羅頭
畝田二十六畝七分六釐爲哺嬰資每年糧餉官
墊其捐項存畱暨每年租穀交在城耆善輪管生
息然未嘗育嬰虛設而已道光二十一年知縣金
雲門學官方梁材宋仇佺典史王光宇暨四鄉士
民各捐錢金侯五十萬兩學一萬典史一萬四鄉
二十二萬八千二百發典生息清出舊年田畝召
佃歲收租三十五石二十四年金侯復加捐錢五
十萬有零委黃應位汪本皋沈興仁等經理定條
規邑人士頌侯額曰召父杜母咸豐四年堂燬所

存前後捐入之田收租如故繼黃應位等經理者
沈裕源

育嬰堂田數下津渡田三石七斗四升七合七勺
棠嶺畝田一石零二升官田畝田五斗八升白霓
礮田八畝四分八釐羅田灣田十七畝七分二釐
五毫共租一百零五石八斗七升七合

四鄉育嬰局河西保一所增生李夢松倡捐置有
育嬰田國學李立早總其事

臺橋保一所吳光瀚等四十人捐給號坤成局

金侯辦理育嬰條例

崇陽縣志

卷三建置 義所

六八

一設局處懸一牌上寫某本城同善公局自本年某
月起

一設立某本城同善公局捐輸簿一本每一頁記一
人首行載某人捐幾口每月計錢若干當捐全數
當繳者註明某月某日親送至局旁註某人經收
捐時不能全付者於月朔親送至局以後按月用
小字註某月朔某人經收數字

一設立某本城同善公局報名簿一本每一頁記一
人首行載第某號某月某日據地保報明某村某
人於某月某日生女某名實係無力育養每月助

錢三百文以三年爲期自本年某月起至某年某月止以後按月用小字註某月朔某人給發數字一設立某本城里同善公局收支簿一本首一頁開列董事十二人姓名並註明某月某人董理收支以後逐月朔日結帳輪流管理如有餘錢亦即輪交存爲將來不時增修育嬰堂之用不得票單抵押致啟弊竇

一設立同善公局執憑並手摺及同善公局圖書用在執憑押後爲記並簿上用一合縫圖書俾易查考

崇陽縣志

卷三建置 義所

六九

一某本城里董事幾人每月輪值週而復始仍將值月姓名住址開明用白粉版懸挂公局中以憑各戶往報

一某本城里同善公局設立某某處所凡附近各保均已分別另示如有極貧之戶生女無力育養者卽通知地保開具姓名住址至值月董事之家轉報由董事查實登簿卽給與執憑單並手摺以憑每月驗放錢文
一給發憑摺後經董事查出並非極貧之戶卽行掣回不准冒領

一所育之女或因病夭殤卽通知地保將憑摺繳局註銷倘有冒領一經董事查出許將地保送縣懲處並將冒領之款追還交局

一經董事查明果係極貧之戶自生女之日爲始扣至十日卽給予憑摺並月錢三百文以後則仍照月朔按給不得豫支

一樂輸錢文隨到隨捐富貴之家力足有爲自必好施但旣將願捐數目登簿卽望全行交出俾得早爲生息多活一人陰隲非小再寒士有願捐者或半願或一願或數願力能全繳更佳如不能卽時併付務按月於朔日早晨親送至同善公局查收凡所捐錢文須足數不得短扣底串以便值月董事收存好爲給發至樂輸之錢幸勿待人催取有失雅誼

一每月朔董事在同善公局會敘一次值月者錢文收放畢憑眾登記在簿卽將帳簿餘錢交下月董事收存

一各戶領錢育女之家每月朔日親賚憑摺赴公局照驗由值月董事給錢仍將嬰孩抱至局中憑眾看驗如有不加將養任其黃瘦不堪者卽加理

斥間有小恙未便抱往許央同左右鄰舍一人到局對眾告明亦卽驗憑給錢仍用小字註明於簿並令下月送驗

一董事及樂輸姓名俟行有成效卽當勒石以垂久遠並照例給予樂善好施四字獎勵其爲數多者詳請給予敘錄

一城鄉公局所餘錢文每年六月十二月兩季總結統歸本城公局合計實存若干一并發典生息一詩書殷實之家自無溺女之事但或因產女過多或因望男心切養女需乳不利速孕或惑於風水家說女山不利在男子卽不欲溺而婦女竟溺者恐難保其必無如果實有其事許該地保稟明查究

一或有不能自養暗棄於路者該地保卽向公局報明董事一面妥覓乳媪令其抱歸家中按月酌量加給錢文亦以三年爲限仍俟限滿報明公局首事妥爲擇配其或限內有願領作養媳者亦卽報明公局酌量許配

養濟院向在西城外明隆慶間知縣胡秉性建後圯於水萬曆九年知縣王學曾改建舊鄉約所

國初仍之後屢經興廢道光間知縣朱清標金雲門
先後增廓咸豐中兵燬其基址列官地載前同治
四年知縣高佐廷重建當舊院後距廢基十數武
南向屋一重堂室共三間
養濟院額設孤貧七名增額十名先是道光中武
昌知府裕謙札縣增額二十名府縣捐廉各半知
縣金雲門又陸續收養額外孤貧二十二名捐廉
存典生息給發後經兵燹典歇額外不復設增額
去其半現存孤貧額一十七名每月給錢二百二
十文

崇陽縣志

卷三 建置 義所

七二

施茶所

大梅嶺一所東南五十里

伏嶺一所跨峽有亭舊名

息肩今改題無雙亭南三十里

河山一所南四十里

白

崖山一所 茅坳一所當白崖磨盤兩山之間人

煙稀少咸豐中太學士業光倡建涼亭置田及山

地備施茶之資全上俱南四十五里

吳城鋪前一所道光

八年程潤文引立兄弟募置有田收租備費西南十一里

方山臙脂坳一所西北四十五里 洪上飛翠亭一

所北二十三里

崇陽縣志卷三終